

AKASHVANI AIZAWL

REGIONAL NEWS BULLETIN

HEADLINES (EVENING)

1. Chief Minister Pu Lalduhoma chuan Mizoram sum dinhmun siamthat mek a nih thu leh mita hmuh theih hmasawnna ni rih lo mahse sum leh pai dinhmun hrisel zawk neih kawngah Mizoramin hma a sawn thu a sawi.
2. Social Welfare, Women and Child Development Minister Pi Lalrinpuii chuan home hrang hranga thalai tam tak ruihhlo vanga enkawl ngaia an awm chu Mizoram tan hlohna nasa tak a nih thu leh ram hmasawnna tithuanawptu a nih thu a sawi.
3. Aizawl Lammuala Winter Festival chu mipuite'n an hlut hle a, hetihruai hian lirthei veivak tibuai lo zawnga lirthei hunna felfai zawk neih tha an tih thu tlawhtuten an sawi.
4. Prime Minister Narendra Modia chuan vawiin khan West Bengal a cheng vaibelchhe 3200 senga siam National Highway project pahnih hawng.



CM INAUGURATES THENZAWL SOLAR POWER PLANT

Chief Minister Pu Lalduhoma chuan Mizoram sum dinhmun siamthat mek a nih thu leh mita hmuh theih hmasawnna ni rih lo mahse sum leh pai dinhmun hrisel zawk neih kawngah Mizoramin hma a sawn thu a sawi.

Vawiina Megawatt 10 pe chhuak thei Ni zung chakna atanga electric power siamna, 10MW Thenzawl Solar Power Plant a hawnnaah he thu hi Chief Minister chuan a sawi a. Chief Minister chuan vawiin solar power plant hawn ni chu Mizoram tana ni lawmawm tak a nih thu sawiin a puitlin theihna tura P&E Minister leh a thawhpuite chung a lawm thu a sawi a. Chief Minister chuan Sumsuihah 5 MWp pechhuak thei tur Solar Park tan a nih leh tawh thu leh zawh thuai tum a nih thu a sawi a ni.

Chief Minister chuan Solar Park siamna tur ruahmanna dang an la neih nual thu leh heng erawh an la thlen thui lutuk loh thu a sawi a. Ruahmanna an neih te chu Keifang - 10MWp te, Tumtuitlang, Serchhip – 10 MWp te, Bawkmual, Hmunhmeltha – 10 MWp te, Denlung Ram, Hnahthial – 10 MWp te, Tlabung Tlang, Lallen – 6 MWp te leh Dawhzau Zau, Lamzawl – 20 MWp te a nih thu a sawi a ni.

Chief Minister chuan cheng vbc 676 crore senna tur, Megawatt 24 pe chhuak thei tur Tuirini Hydel Project lung an phum thei tep tawh tih sawiin a sum petu tur – New Development Bank hotute nen tunhnaiah a pisaa an inkawm thu a sawi a. Mizoram sorkar tumruhzia an rawn hmuhin an phur thu a sawi a ni. Chief Minister chuan Tuivai HEP, Megawatt 132 pe chhuak thei tur ruahmanna pawh chak takin kan kalpui mek a nih thu a sawi a. He project hi a hlawhtlin hunah chuan Mizoramin energy hnianghnar a nei thei tawh hial dawn tih a sawi a ni.

<><><>

SOCIAL WELFARE MINISTER

Social Welfare, Women and Child Development Minister Pi Lalrinpuii chuan home hrang hranga thalai tam tak ruihhlo vanga enkawl ngaia an awm chu Mizoram tan hlohna nasa tak a nih thu leh ram hmasawnna tithuanawptu a nih thu a sawi.

Vawiina Lunglei North bialtu leh Lunglei High Powered Committee (HPC) Vice Chairman Pu V. Malsawmtluanga, Lunglei West bialtu Pu T. Lalhlimpuia leh Lunglei South bialtu Pu Lalramliana Papua te nena Lungleia home hrang hranga Krismas thilpek an hlannaah he thu hi Minister chuan a sawi a. Sawrkarin ruihhlo ngaite a buaipui nasat thu leh sawrkar, kohhran leh tlawmngai pawlte nen tang tlanga Hulhliap Short Stay buatsaih a nih thu sawiin, ruihhlo ngaite chu Synod Rescue Centre, Aizawlah ni 20 chhung enkawl a, ruihhlo an sim theih nan leh an taksa, rilru leh thlarau lam tan hma lakpui an nih thu te, thiam thil zirna (skill training) te nen vil zui a, eizawnpui tlak thiamna nei tam tak chher chhuah an nih tawh thu te a sawi a ni.

Minister leh MLA-te hian intiam rualin pawisa an thawh khawm cheng nuai li chu home leh jail-ah te Krismas thilpek atan an sem a. Lunglei Home TNT-ah cheng nuai hnih hlanin, WADA Centre, Bethel Centre, Chhawmdawlna In, Rescue Centre leh District Jail-ahte cheng sing li theuh an hlan thung a ni.

<><><>

TOURISM MINISTER VISITS ABANDONED SAIRANG ROAD

Aizawl West II Bialtu MLA leh Tourism Minister ni bawk Pu Lalnghinglova Hmar chuan vawiin khan Sairang kawng hluhlawn tawh enfiahin Khawtlang hruaitute nen Zohnuai veng, Aizawlah an inkawm.

Minister hi Land Revenue & Settlement Department Minister Pu B. Lalchhanzova, Adviser to CM (Finance) Pu TBC Lalvenchhunga, Adviser to CM (Political) Pu Lalmuanpuia Punte leh Vaivakawn Local Council aiawh te, bakah PWD leh Revenue Department aiawh ten an tawiawm a. Bialtu MLA ni bawk Minister Pu Lalnghinglova Hmar chuan tunah chuan Airport mai ni lovin, Rel lo lutin a hma aia nasa lehzualin Sairang kawng a tihlun thu a sawi a. Sairang kawng hluhlawn tawh chu leimin leh chhan dang vanga tuna kawng awmchhun a pin chang pawha awlsam taka helna tur a nih thu sawiin Vaivakawn traffic jam nasa lutuk thin pawh a tihziaawm theih a beisei thu a sawi a ni.

Land Revenue & Settlement Department Minister Pu B. Lalchhanzova chuan hmasawnna ruhrel din a nihin a hlawhtlinna tak tak hmuh nan hun a duh rei thin hle tih sawiin chutiang ni lovin vawiina an enfiah erawh chu road map fel tak nen kum 2 ral hmaa puitlin hman theih ni se a duh thu a sawi a. Revenue & Settlement Department chuan a tul angin hma theih tawp an lo lakpui tur thu a sawi a ni.

Adviser to CM (Finance) Pu TBC Lalvenchhunga leh Pu Lalmuanpuia Punte, Hrangtûrzo Bialtu MLA, te pawh in thu sawiin, anmahni zawnah tangkai theihna an nei a nih chuan phur taka hma an lakpui tur thu an sawi.

Vawiina kalkhawm te hian a rang lama PWD in Road alignment lo ti tur leh Revenue Department pawh in Survey te lo kalpui se tiin thu an ti thu a. Sum mamawh turte lo buaipui turin Adviser to CM (Finance) Pu TBC Lalvenchhunga ruat a ni.

<><><>

MAMIT END

Mamit Excise & Narcotics department chuan kumin chhungin ruihhlo kaihhnawih thubuai 313 ziaklut tawhin nikum aiin kuminah ruihhlo kaihhnawih thubuai ziahluh leh mi man an tlem zawk.

Mamit Excise & Narcotics department ah hian Kumin January ni 1 atanga vawiin thleng khan thubuai 313 ziah luh niin ruihhlo kaihhnawihah mi 219 man tawh an ni a, hetih lai hian nikum khan ruihhlo kaihhnawih thubuai 356 ziahluh niin ruihhlo kaihhnawihah mi 250 man an ni thung a ni.

Mamit Excise & Narcotics department te chuan kumina thubuai an ziahluh zinga tam ber chu Zu kaihhnawih ani an ti a, kumina an man zat hi Rakzu litres 1937.9, zubilh lai Tin 4881, Heroin grams 49.080, Ganza grams 3024 leh ruihtheih thil dangte an man bakah lirthei 7 a ni.

<><><>

AIR NEWS

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve ah Chanchinthar puan leh a ni ang.

<><><>

WINTER FESTIVAL

Aizawl Lammuala Winter Festival chu mipuite’n an hlut hle a, hetihruah hian lirthei veivak tibuai lo zawnga lirthei hunna felfai zawk neih tha an tih thu tlawhtuten an sawi.

Akashvani Palai zawhna chhangin Thawhtanni atanga neih tan Winter festival, 2025 tlawhtute chuan Mizoramah thalaite leh naupangte tana intih thawvanna tur leh len khawhawanna tur hmun a van avangin hetiang a sorkarin mipuite tana intihhlamna hun a siam chu lawmawm an tih thu an sawi a. Venhimna pawh an kengkawh tha hle a an hriat thu sawiin, naupang tan pawh hun hlimawm tak hmanna tur a awm avangin an hlut hle tih an sawi a, hei bakah hian sorkarin pumbilh mai lova event mangament kuta a hlan chuan a ti felfai hle a an hriat thu an sawi baw a. Mi tam tak tan sum lakluhna an siamsak baw avangin zawngchhang tlak hle a an hriat thu an sawi a ni. Hetihruah hian lirthei dahna in a dawl loh avangin lirthei hunna felfai zawk siam a, lirthei tlan tikhaihlak lo zawnga buatsaih tha an tih thu an sawi baw a ni.

Byte: K. Hminga & Lawmzuala

Winter Festival 2025 hi December Ni 15 atanga vawiin thlengin Aizawl Lammualah hman phawt a ni a, karleh Thawhlehi khian Christmas Parade hmangin ropui taka khar tum a ni a, Parade hi Chanmari kawn atanga tanin Lammualah Christmas Carol hmanga khar a ni dawn a ni.

<><><>

FORMER MIZORAM CM LAL THANHAWLA’S WIFE LALRILIANI PASSES AWAY

Chief Minister hlui Pu Lal Thanhawla nupui, Pi Lalriliani kum 82 mi niin tukin dar 9 vel khan a thi.

Pi Lalriliani hi Zarkawta an inah zaninah hian lumen a ni ang a, naktuk Pa thianni chawhnu dar 1-ah Zarkawt Presbyterian Kohhran Hall-ah vui a ni ang. Pi Lalriliani hi a pasalin ram rawngbawl hna pawimawh tak Chief Minister hna a thawh kawnga tawiawm tlat thin tu nu chhuanawm tak a ni a. Mizorama zuk leh hmuam do kawngah pawh mi thawhhlawk tak a ni.

<><><>

PM

Prime Minister Narendra Modia chuan vawiin khan West Bengal a cheng vaibelchhe 3200 senga siam National Highway project pahnih a hawnna leh lunphum phumna hun a hmang. Pu Modia hian Nadia District-a Barajaguli-Krishnagar inkar km 66.7 a thui National Highway 34 na a hawng a. Hei bakah hian North 24 Parganas district-a Barasat-Barajguli inkara Natinoal Highway km 17.6 a thui siamna tur lung a phum bawk a ni. He project hian Kolkatta leh Siliguri inkar a thlunzawm dawn a.

Thusawin Pu Modia chuan BJP ten politics a an khingpuite an dodal ngai loh laiin Trinamool Congress kaihhruai state sawrkar chuan hmasawnna tam tak an ti khawlo a ti a. Tuna SIR kalpui mek pawh Mamata Banerjee kaihhruai party chuan an dodal niin a puh bawk a ni.

<><><>